

**PEMBERITAHUAN PERTANYAAN
DEWAN RAKYAT**

PERTANYAAN : BAGI BUKAN JAWAB LISAN

DARIPADA : DATO' SERI DR. SANTHARA [SEGAMAT]

SOALAN : 389

Dato' Seri Dr. Santhara [Segamat] minta **MENTERI PENGANGKUTAN** menyatakan apakah langkah-langkah yang diambil oleh Kementerian dalam memastikan had penggunaan cermin gelap ini dikawal memandangkan ramai pemandu-pemandu GRAB yang gagal mematuhi larangan cermin gelap yang melebihi had sehingga menyebabkan perkara-perkara yang tidak diingini.

JAWAPAN

Ahli Yang Berhormat,

Tindakan penguatkuasaan akan dan boleh diambil terhadap mana-mana pemilik kenderaan motor meliputi pemandu kenderaan Grab yang didapati tidak mematuhi peraturan dengan memasang cermin atau menampal apa-apa bahan berwarna gelap pada suatu cermin kenderaan motor. Pemilik kenderaan akan diberi Notis Larangan Penggunaan Kenderaan (PG1) dan diberi tempoh selama 10 hari untuk menukar cermin atau menanggalkan bahan berwarna gelap tersebut. Jika pemilik kenderaan gagal berbuat demikian, notis saman akan dikeluarkan kepada pemilik kenderaan di atas kesalahan tersebut.

Kesalahan ini boleh di kompaun maksimum sehingga RM300 atau boleh didenda oleh mahkamah tidak melebihi RM2,000 atau dipenjarakan selama tempoh tidak melebihi enam bulan dan, dalam hal sabitan kali kedua atau kali kemudian, didenda tidak melebihi RM4,000 atau dipenjarakan selama tempoh tidak melebihi dua belas bulan atau kedua-duanya sepertimana yang diperuntukkan di bawah subseksyen 119(2) Akta Pengangkutan Jalan 1987.

Mengikut statistik, tindakan pengeluaran notis saman berkaitan penggunaan cermin gelap terhadap pemilik kenderaan motor termasuklah kenderaan Grab pada tahun 2015 sebanyak 827 notis, tahun 2016 sebanyak 922 notis,

tahun 2017 sebanyak 803 notis dan tahun 2018 hingga bulan Jun adalah sebanyak 526 notis.